

UNIVERSITETI I PRISHTINËS “HASAN PRISHTINA”

FAKULTETI JURIDIK – STUDIMET MASTER

ABSTRAKT

Tema: E Drejta e pengut ligjor

Në këtë punim sqarohet e drejta e pengut ligjor, nocioni, llojet, mënyra e krijimit dhe regjistrimit të saj. Pengu ligjor është lloj i vecantë i të drejtës së pengut në sende dhe të drejta i cili krijohet në bazë të ligjit. E drejta e pengut ligjor themelohet ex lege, në bazë të vet ligjit ose edhe më saktë ajo lind në momentin kur përmbushen faktet e parashikuara me vet dispozita.

Pengu ligjor ka rëndësi të madhe në sistemin legjislativ pasi që rregullohet me Ligjin për pronësinë dhe të drejtat tjera sendore gjithashtu parashihet edhe me normat e ligjit për marrëdhënie detyrimore. Përveç ketyre pengu ligjor parashihet edhe me dispozitat e ligjit për procedurën përmbareme dhe ligjit për trashëgimi.

Rëndësi të vecantë i kushtohet mbrojtjes së pengut e cila bëhet në rrugë gjyqësore përmes padive dhe regjistrimi i të drejtës së pengut të luajtshëm e cila bëhet në Regjistër të vecantë, zyren për Pengje që gjendet në Ministrinë e Tregtisë dhe Industrisë.

Pengu ligjor shfaqet tek disa lloje të kontratave si tek kontrata për transportin, kontrata për magazinim, kontrata për komisionin, kontrata për shpeditim, kontrata për kontrollin e mallrave dhe shërbimeve.

Në një kapitull të vecantë diskutohet për përmbarimin e pengut, procedurën e fillimit të përmbarimit dhe mënyren e vendosjes së përmbarimit.

Në këtë punim janë shtjelluar edhe disa raste nga praktika gjyqësore lidhur me të drejtën e pengut ligjor.

Mentori:

Prof. Dr. Haxhi Gashi

Kandidatja:

Larglinda Selmani

